

Kekchi - Santil Hu - Protection Scriptures

Jeremías 1:18 Sa' li kutan a'in xatinxaqab' jo' jun kawub'resinb'il ochoch; chanchanat chik jun li oqech ut suttz'ak q'anch'iich', re naq kawaqat chi xkolb'al aawib' chiru chixjunil li tenamit a'in: chiruheb' li awab'ej re Judá ut chiruheb' li ninqeb' xwankil, chiruheb' laj tij jo'wi' chiruheb' chixjunil li poyanam.

Ezequiel 3:18 Naq tinteneb' kamk sa' xb'een li ink'a' us xna'leb', wi laa'at ink'a' taaq'us re naq tixkanab' li maa'usilal ut tixkol li xyu'am, a'an taakamq xb'aan li xmaa'usilal; ab'an an sa' aab'een laa'at taakanaaq li xkamik.

Jeremías 6:27 Jo'ka'in kixye we li Qaawa': "Xatinxaqab' sa' lintenamit re taawil ut taatz'il rix li neke'xb'aanu, jo' naxb'aanu li nayalok li oor".

Levítico 26:19 Tinsach xkawilal leeq'etq'etil ut tinye re li choxa naq ink'a' chik tixtaqla chaq li hab' ut li ch'och' ink'a' chik taa'uuchinq ru.

Deuteronomio 23:5 Ab'an an li Qaawa' IaaYos ink'a' kiraj rab'inkil laj Balaham ut kixjal Iaamajewankil chi aawosob'tesinkil, xb'aan naq li Qaawa' IaaYos nakatxra.

Romanos 12:21 Maak'e chi numtaak li ink'a' us sa' aab'een, chaq'ax b'an a'an rik'in li us.

Salmos 143:8,10 Eq'la chak'e taxaq chi week'a laarahom: k'ojk'o linch'ool aawik'in. Chak'ut taxaq chiwu li b'e tento tink'am, xb'aan naq aawik'in wank li woyb'enihom. 10 Chak'ut chiwu xpaab'ankil laawajom: relik chi yaal naq Iaa'at linYos. A' taxaq Iaachaab'il musiq' chib'eresinq we sa' tuqtuukil ru b'e.

Salmos 94:12 Us xaq re li nakak'e xna'leb', at Qaawa', ut nakatzol rik'in Iaachaq'rab':

Proverbios 27:12 Li wank xna'leb' naril li raaxiik' ut naxkol rib' chiru; a'ut li maak'a' xna'leb' tiik nanume'k ut naxk'ul li rahilal.

Filipenses 2:16 chi kaw chapchookex rik'in li aatin nak'ehok yu'am. Chi jo'kan truuq tintaw inloq'al sa' xkutankil li Kriist xb'aan naq ink'a' xin'aanilak chi maak'a' rajb'al, chi moko xintawasi wib' chi maak'a' aj e.

Isaías 49:4 Xb'aan naq Iaa'in kink'oxla: "Maak'a' aj e naq xinyal inq'e chi k'angelak, yal xintawasi wib' chi maak'a' rajb'al". Ab'an an ninb'aanu link'angel sa' xk'ab'a' li Qaawa' ut linq'ajkamunkil wan chaq rik'in linYos.

Salmos 76:4 Aran kixtoqi eb' li ral simaj ut li koleb', eb' li ch'iich' ut chixjunileb' li k'angelob'aal re yalok.

Hebreos 13:21 a'an taxaq chik'uub'anq re leeyu'am rik'in chixjunil li chaab'ilal re xb'aanunkil li rajom. A'an taxaq chib'aanunq qik'in li nawulak chiru sa' xk'ab'a' li Jesukriist: rehaq taxaq li loq'al junq'e junq'e kutan. Jo'kan taxaq.

1 Corintios 16:15 Nekenaw chi us naq li xjunkab'al laj Estéfanás a'aneb' xb'een

chi paab'ank sa' xsutam Akaya ut xe'xq'axtesi rib' chi k'anjelak chiruheb' laj santil paab'anel.

Filipenses 1:27 Ka'ajwi' a'in nawaj: naq wanqex taxaq sa' xyaalal jo' xk'ulub' li xChaab'il Esil li Kriist. Chi jo'kan, us ta tinxik cherilb'al us ta maa'anihaqin, twab'i eeresil naq kaw xaqxooqex sa' jun chi musiq'ej, ut wotz yooqex chi xyalb'al eeq'e chirix xpaab'ankil li Chaab'il Esilal,

1 Corintios 15:58 Jo'kan b'i', ex was wiitz'in raarookex inb'aan, kaw xaqxooqex, chexwanq chi ink'a' taach'inanq leech'ool, junelik yooqex chi k'iik sa' xk'anjel li Qaawa'. Chenawaq naq li xyalb'al eeq'e moko maak'a' ta aj e sa' xk'ab'a' li Qaawa'.

Colosenses 4:12 Naxtaqla xsahil eech'ool laj Epafras, a'an eekomon, xmoos li Kristo Jesus; junelik naxk'e xch'ool chepatz'b'al sa'eb' li xtij, re naq kaw xaqxooqex chi xb'aanunkil chi tz'aqal chixjunil li naraj li Yos.

2 Reyes 19:34 Laa'in tinkoloq re li tenamit a'in, re naq ink'a' taasache'q, sa' xk'ab'a' linloq'al ut xb'aan xraab'al laj David laj k'anjel chiwu»".

Jeremías 15:20,21 Laa'in tatinxaqab' chiruheb' a'an jo' jun kumul chi tz'ak li jwal kaw rib', jo' xkawil li q'anch'iich', li maajoq'e taaruuq xjuk'b'al. Te'yaloq aawik'in, ab'an ink'a' te'numtaaq sa' aab'een, xb'aan naq wankin aawik'in chakolb'al ut chatenq'ankil. 21 Tatinkol sa' ruq'eb' li ink'a' useb' xna'leb' ut tatwisi rub'el xwankileb' li josq' aj wing", chan li Nimajwal Yos.

Salmos 55:19 Us ta naab'aleb' li xik' neke'ilok we, ab'an li Yos tinxkol sa' li raaxiik' xe'xk'uub' sa' inb'een, ut tixk'e we li tuqtuukilal.

Ezequiel 30:24 A' chik li awab'ej re Babilonia tink'e xkawub' xch'ool, ut sa' ruq' a'an tink'e linch'iich'. Tintoqiheb' li ruq' laj Parahón, ut k'ajo' naq taayaab'aq chiru laj Nabukodonosor.

Apocalipsis 3:18 Ninch'olob' chawu naq chaloq' aa'oor wik'in, a' li chaab'ilob'resinb'il sa' xam, re naq tatb'ihomo'q. Chaloq' aasaqi aq' re taatiqib' wi' aawib' ut ink'a' taak'ut laaxutaan naq t'ust'uukat. Chaloq' ajwi' aab'aan re naq taayul xsa' laawu ut tat-iloq chik.

1 Juan 3:17 Wi junaq b'ihom naril li ras riitz'in naq wank sa' rajb'al ru ut ink'a' tixtenq'a, chanru naq li xrahom li Yos wanq rik'in?

Isaías 50:4 Li Qaawa' xinxtzol chi aatinak jo' xtz'aqal tzolom ut xk'e waatin re xk'ojob'ankil xch'ool li tawajenaq. Rajlal eq'la ninrajsi re naq tink'e inch'ool chi ab'ink, jo' neke'xb'aanu eb' li xtzolom.

Salmos 18:40 Laa'at xatk'ehok inmetz'ew re yalok, ut xak'eheb' rub'el inwankil eb' li neke'rahob'tesink we;

2 Samuel 22:40 Laa'at xatk'ehok inmetz'ew re yalok, ut xak'eheb' rub'el inwankil eb' li neke'rahob'tesink we;

Salmos 89:44 Xawisi xq'esnal li xch'iich' laj David ut ink'a' xatenq'a sa' li yalok.

Ezequiel 13:6 Moko yaal ta naq neke'ilok moy u, ut tik'ti' li neke'xye. Neke'xye naq laa'in xintaqlank reheb' chi aatinak, ab'an moko yaal ta. Ut neke'royb'eni

naq taatz'aqloq ru li raatineb'!

Levítico 26:37 Te'xtich rib' chirib'ileb' rib' kama' tawi' naq yooqeb' chi elelik chiru li nimla yalok, us ta maajun taa'aanilasing rehreb'. Maajun eere taaruhanq chi xkolb'al rib' chiruheb' li xik' neke'ilok eere.

1 Corintios 14:8 Ut wi ta li tronpeet ink'a' saqenk taa'eek'anq, ani tixkawresi rib' re xik chi yalok?

Job 15:24 Yo xxiw xb'aan naq chalk re xq'ehil li aak'ab'; k'ajo' naq nachalk xk'a'uxl ut nasiksotk, kama' junaq awab'ej li ok re chi yalok.

1 Crónicas 12:8 Wankeb' ajwi' aj Gad ke'q'axonk rik'in laj David naq wan chaq sa' li chaqich'och', sa' li kawub'resinb'il ochoch. A'aneb' chaq kaweb' rib', tzolb'ileb' chi us chi yalok ut wankeb' xkoleb' ch'iich' ut xjutz' che'eb'. Josq' neke'ilok kama'eb' li kaqkoj, ut kaw ajwi' neke'aanilak chanchaneb' li kej sa'eb' li tzuultaq'a.

1 Crónicas 12:33,38 Sa' xyanqeb' laj Sabulón li xk'ihaleb', a'an lajeeb' roxk'aal mil (50,000) chi winq yo'oon wankeb' chi yalok, wankeb' chixjunil li k'iila paay ru chi k'anjelob'aal re yalok, kaweb' xch'ool chi xtenq'ankil laj David. 38 Chixjunileb' laj puub' a'in ak kawresinb'ileb' chi yalok koheb' aran Hebrón chi k'ojk'ookeb' xch'ool rik'in xxaqab'ankil laj David cho'q awab'ej re chixjunil Israel. Junaj xch'ookeb' chixjunileb' laj Israel naq te'xxaqab' laj David cho'q awab'ej.

Lucas 10:19 Chek'e reetal, xink'e eewankil chi xyeq'b'aleb' li k'anti' ut laj xook', jo' ajwi' sa' xb'een chixjunil xwankilal li xik' na'ilok eere; ut maak'a' k'aru taarahob'tesinq eere.

2 Corintios 7:10 Li rahil ch'ookeb' jo' naraj li Yos naxyoob' chi junajwa li yot'b'ach'ookeb' jalb'ak'a'uxl ut naxk'am chaq li kolb'a ib'; ab'an li rahil ch'ookeb' jo' chanru naraj li ruuchich'och', a'an naxyoob' li kamk.

2 Timoteo 2:25,26 Chixnaw xtzolb'aleb' sa' tuulanil eb' li xik' neke'ilok re. Mare anchal li Yos tixk'e chi xyot'b'aleb' xch'ool ut chi xjalb'aleb' xk'a'uxl re naq te'xnaw chi us li yaal. 26 Chi jo'kan taatuqlaaq ru li xk'a'uxeb' ut te'risi rib' sa' li xra'al laj tza li chapchookeb' wi' chi xb'aanunkil li naraj a'an.

Nehemías 4:15 Naq eb' li xik' neke'ilok qe ke'rabi' resil naq kawal wanko ut li Yos kixpo' ru li k'aru k'uub'anb'il xb'aaneb', ke'elk aran ut chiqajunilo kooho wi' chik chi xyiib'ankil li suttz'ak.

Salmos 73:24 xinaab'eres rik'in xnimal laak'a'uxl, ut sa' roso'jik tinaak'ul aawik'in sa' laaloq'al.